

**25 ФЕВРАЛЯ: Иже во святых отца нашего Алексия митрополита,
всея России чудотворца.**

Вечером 24 февраля

Изменяемое №1

На Господи возвах:

Стух: Изведи из темницы душу мою, исповедатися имени Твоему.

Стух: Мене ждут праведницы, дондеже воздаси мне.

Стух: Из глубины возвах к Тебе, Господи, Господи, услыши глас мой.

Глас 5. Радуйся, пречестный архиерею великий, Алексие преблаженне,/ церковный красителю, святителей честное удобрение,/ народу православному молитвою помогая,/ земли Российския великое утверждение,/ честный учителю наш,/ беспомощным помощи,/ печальным утешение радостное,/ молебниче теплый всем скорбящим,/ тьму неразумия отгоняя,/ и ко Христу во пристанища тихая притекл еси,/ в лице безплотных предстоя,/ и красныя доброты Владычни наслаждаешися,/ и сердца благочестивых на пение воздвигл еси./ Христу помолися/ даровати душам нашим мир и велию милость.

Стух: Да будут уши Твои внемлюще гласу моления моего.

Радуйся, светило всея Российския митрополии:/ ты бо добродетелю светло процвел еси,/ яко маслина плодовита в дому Божии,/ и, различныя плоды износя,/ богато раздаваеши стаду твоему словесному/ и на пажитех духовных тучами твоих молитв напояеши,/ исцеления независтно источаеши/ верою притекающим к раце мощей твоих, святителю Алексие./ Свещу светлу себе уготовал еси,/ и во обителях Небесных вселився,/ и трудов твоих воздаяния венцы приял еси,/ не дал бо еси сна очима твоима и веждома дремания,/ дондеже сном общим уснул еси./ Преподобне святителю, Христу помолися/ даровати душам нашим мир и велию милость.

Стух: Аще беззакония назириши, Господи, Господи, кто постоит; яко у Тебе очищение есть.

Ра́дуйся и веселі́ся, Алексі́е пресвяще́нный,/ благодáтный проповѣ́дникѣ, твѣ́рдый ўме́,/ виногра́да живóтнaго святопрозя́бший грозд, вино́ иска́пающий,/ вѣ́рных серде́цá веселя́щее учѣ́нии медотóчными,/ святопомáзанная главó,/ честный наш учíteлю,/ прииді́, посеті́ нас, озлóбленных грехóвными страстьми́,/ погáных дѣ́рзость низложі́, протівных прожені́,/ усóбныя брáни укроті́/ и болѣ́зни, и недў́ги всѣ́кия облегчі́,/ Христú́ моля́ся/ даровáти дў́шам нáшим мир и велі́ю мѣ́лость.

Стúх: И́мене рáди Твоегó потерпѣ́х Тя, Гóсподи, потерпѣ́ душá моя в слóво Твое́, уповá душá моя на Гóспода.

Ра́дуйся, преслáвный гра́де Москвá,/ красúйся и веселі́ся,/ сицевáго имѣ́я благодáти истóчника неисчерпáемаго,/ преблаже́ннаго и чудоносíваго Алексі́я,/ святíteля велíкаго,/ íже мў́дростию Свята́го Дў́ха укра́шшася/ и от ю́ности добродѣ́тельного рáди егó житія́/ сосў́д Свято́му Дў́ху быв пощѣ́нии и молítвами;/ священства ма́стию помáзася,/ исцелѣ́ния дар приѣ́мша от всех Царя́ Христá Бóга,/ и по святѣ́м егó преставлѣ́нии óтрока, е́ле жíва сў́ща,/ матѣ́рию принесѣ́на к честнѣ́й егó раце, здра́ва сотвори́./ И до ны́не источáет исцелѣ́ние неоску́дно с вѣ́рою приходя́щим,/ и Христú́ мо́лится/ даровáти дў́шам нáшим мир и велі́ю мѣ́лость.

Стúх: От стра́жи ўтренния до но́щи, от стра́жи ўтренния, да уповáет Изра́иль на Гóспода.

Глас 2. Кíими пѣ́сенными добрóтами воспоѣ́м святíteля,/ Христóва устá тíхая/ и Евáнгелия Егó проповѣ́дника свѣ́тла,/ церкóвнаго хранíteля и застў́пника земли́ Россійстей,/ вѣ́рному вóинству нáшему побóрника,/ Егóже молítвами шатáния врагóв Христóс низложі́,/ имѣ́яй вѣ́лию мѣ́лость.

Стúх: Я́ко у Гóспода мѣ́лость, и мно́гое у Негó избавлѣ́ние, и Тóй избáвит Изра́иля от всѣ́х беззакóний егó.

Кíими пѣ́сенными добрóтами воспоѣ́м святíteля,/ Христóва устá тíхая/ и Евáнгелия Егó проповѣ́дника свѣ́тла,/ церкóвнаго хранíteля и застў́пника земли́ Россійстей,/ вѣ́рному вóинству нáшему побóрника,/ Егóже молítвами шатáния врагóв Христóс низложі́,/ имѣ́яй вѣ́лию мѣ́лость.

Стіх: Хвалі́те Го́спода всі́ язýцы, похва́літе Егó всі́ лю́дие.

Кі́ими бодрéнными устна́ми похва́лим святі́теля,/ Христо́вы
Цéркве краси́теля,/ Петро́у верхо́вному ревні́теля и Па́влу
наслéдника,/ нра́вы подо́бля́ща Кресті́телю,/ Петро́а чудотво́рца
Россі́йскаго сопресто́льника/ и лучі́ чудéс испу́щаю́ща обі́льно,
исцелéния подава́ю́ща незаві́стно всем, приходя́щим с ве́рою/ и
па́мять егó светло́ прáздную́щим,/ вели́каго засту́пника землі́
Россі́йстей и учі́теля,/ Алексі́я, дівнаго чудотво́рца,/ и
правосла́вным лю́дем на́шим тéплага посóбника./ Егóже ра́ди врагі́
Христо́с низложи́,/ имéяй ве́лию мі́лость.

Стіх: Я́ко утвер́дїся мі́лость Егó на на́с, и і́стина Госпо́дня пребывáет во вéк.

Кі́ими укра́шенными глаго́лы воспоéм святі́теля,/ дівнаго в
чудесéх Алексі́я,/ безплóтным сожі́теля, освящéннаго от пелéн,
столпа́ Цéркве неподві́жима,/ весéлие землі́ Россі́йстей,/ прáвды
пра́вило, обі́димым засту́пника,/ нéмо́щным врачá безмéздна./
Егóже ра́ди дарова́ Христо́с Церквáм соединéние,/ имéяй ве́лию
мі́лость.

Сла́ва, глас 6: Святі́телей удобре́ние и отце́в красоту́,/ исто́чника
чудéс,/ землі́ Россі́йстей засту́пника вели́ка,/ соше́дшеся, о
празднолю́бцы, пéсненными похва́лами воспоéм, глаго́люще:/
ра́дуйся, Алексі́е,/ твёрдый ўме, благода́тию і́стинною окроплéн./
Отню́дуже и приятелище быв Пресвята́го Ду́ха,/ чудéс дар восприя́л
есі́./ И ны́не, с первосвяті́тели предсто́я престо́лу Христо́ву,
моли́ся о рабéх тво́их.

И ны́не, Богоро́дичен: Кто Тебе не ублажит, Пресвятая Дево? Кто ли не
воспоет Твоего пречистаго Рождества? Безлетно бо от Отца
возсиявый Сын Единородный, Тойже от Тебе Чистыя пройде,
неизреченно воплощься, естеством Бог сый и естеством быв
Человек нас ради, не во двою лицу разделяемый, но во двою
естеству неслитно познаваемый. Того моли, Чистая, Всеблаженная,
помиловатися душам нашим.

<далее см. основной Чин>

Изменяемое №2

Прокі́мен после «Свéте ті́хий»: *См. Прокі́мен дня <далее см. основной Чин>*

Паримии:

Притчей чтение (главы 10, 3 и 8):

Па́мьять пра́веднаго с похвала́ми, и благослове́ние Госпо́дне на главе́ его́./ Блаже́н челове́к, иже обре́те премудро́сть, и сме́ртен, иже уведе́ ра́зум./ Лу́чше бо сию́ купова́ти, неже́ли зла́та и сребра́ сокрови́ща./ Честне́йшая же е́сть ка́мений многоце́нных,/ все́ же честное́ недостойно́ ея́ е́сть./ Долгота́ бо дней и ле́та живота́ в десни́це ея́,/ в шу́ице же ея́ бога́тство и сла́ва./ От уст ея́ исхо́дит пра́вда, зако́н же и ми́лость на язы́це но́сит./ Послу́шайте у́бо мене́, о ча́да, честна́я бо ре́ку,/ и блаже́н челове́к, иже пути́ моя́ сохранит:/ исходи́ бо мой, исходи́ живота́, и уготовля́ется хоте́ние от Го́спода./ Сего́ ра́ди молю́ вас и предлага́ю мой глас сыно́вом челове́ческим,/ я́ко аз, премудро́сть, устроих сове́т/ и ра́зум, и смы́сл аз призва́х./ Мой сове́т и утвержде́ние, мой ра́зум, моя́ же кре́пость./ Аз мене́ лю́бящая лю́блю, и́щущии же мене́ обря́щут благода́ть./ Разуме́йте у́бо, незло́бивии, кова́рство, ненака́занныи же, прилага́йте серде́ц./ Послу́шайте мене́ и па́ки, честна́я бо ре́ку,/ и отве́рзу от усте́н пра́вая, я́ко и́стине поучи́тся горта́нь моя́,/ ме́рзки же предó мно́ю устны́ лжи́выя./ С пра́вдою вси глаго́лы уст мои́х:/ ничто́же в них стро́потно, ниже́ развраще́нно./ Вся пра́ва суть разумева́ющим и про́ста обрета́ющим ра́зум./ Науча́ю бо вас и́стине,/ да бу́дет о Го́споде наде́жда ва́ша,/ и испо́лнитеся Ду́ха.

Притчей чтение (главы 10 и 11):

Уста́ пра́веднаго ка́плют премудро́сть, язы́к же непра́веднаго поги́бнет./ Устне́ муже́й пра́ведных ка́плют благода́ти, уста́ же нечестивы́х развраща́ются./ Ме́рила льсти́вая – ме́рзость пред Го́сподем, вес же пра́ведный прия́тен Ему́./ Иде́же а́ще вни́дет досажде́ние, та́мо и безче́стие,/ уста́ же смире́нных поуча́ются премудро́сти./ Соверше́ние пра́вых наста́вит их, и поползнове́ние отрица́ющихся упасе́т их./ Не по́льзуют и́мения в день я́рости, пра́вда же изба́вит от сме́рти./ Умер пра́ведный, оста́ви раская́ние, нару́чна же быва́ет и посмея́тельна нечестивы́х па́губа./ Пра́вда непоро́чнаго исправля́ет пути́, в нече́стие же па́дает непра́вда./

Правда мужей правых избавит их, безсуетием же пленяются беззаконнии./ Скончавшуся мужу праведну, не погибнет надежда,/ похвала же нечестивых погибнет./ Праведник от лова убежит, вместо же его предаётся нечестивый./ Во устах нечестивых сеть гражданином, чувство же праведных благопоспешное./ Во благих праведных исправится град, и в гибели нечестивых радование./ Во благословении правых возысится град, уста же нечестивых раскопаются./ Ругается гражданином лишенный разума,/ муж же мудрый безмолвие водит.

Премудрости Соломона чтение (глава 4):

Праведник аще постигнет скончаться, в покои будет./ Старость бо честна не многолетна, ниже в числе лет исчитается,/ седина же есть мудрость человеком, и возраст старости – житие нескверное./ Благоугоден Богу быв, возлюблен бысть и живый посреде грешник преставлен бысть./ Восхищен бысть, да не злоба изменит разума его, или леть прельстит душу его./ Рачение бо злобы помрачает добрая и парение похоти пременяет ум незлобив./ Скончався в мале, исполни лета долга,/ угодна бо бе Господеви душа его,/ сего ради потщася от среды лукавствия./ Люди же видевше, и не разумевше,/ ниже положше в помышлении таково, яко благодать и милость в преподобных Его/ и посещение во избранных Его.

<далее см. основной Чин>

[Изменяемое №4](#)

[Лития](#) *глас 8:*

Преподобне отче, святителю Алексие,/ аще кая страна или кий град молчит,/ но вси, иже тобою просвещеннии,/ чудес твоих множество слышаще и видяще,/ и мы с ними похвальными песнями вопием и глаголем:/ благодатию Пресвятаго Духа Христовым апостолом подобник был еси/ и вселенную всю просвещавши,/ темже и до царя доидоша словеса чудес твоих, яко луча,/ и дальным яко близ сияюща./ И нас от бед и находящих лют свободи твоими молитвами.

Кто доволен есть доблестей твоих исцести, преподобне отче, труды?/ Кто бо, слыша безмерное твое смирение, и терпение, и чадолюбие, не удивится?/ Како убо не усумневся ни мало,/ егда слыша прошение царя беззаконна:/ да ми последи, – рече, – онаго, больным здравие подающего,/ и слепым прозрение, и хромым течение, и бесовом прогонителя;/ да ми сего последи, да умолит своего Бога и исцелит мою царицу,/ отженет беса и очи просветит./ Оле прошения, превосходяща человеческия разумы!! О, дивство, братие!! кто не удивится,/ или кто не похвалит крепкаго сего храбреника?/ Не токмо бо не усумнеся, но и, сущих с ним подкрепляя, глаголаше:/ пождите, не скорбите, но упование возложите на Бога/ и на Пречистую Его Матерь/ и узрите славу Божию.

Благого Учителя Христа благий ученик,/ святителю Христов Алексие,/ доброму Пастырю Христу поревновал еси,/ душу твою полагая за овцы,/ и цареву сверепство, яко львово зияние, во овчую кротость пременял еси,/ и царицу исцелил еси,/ и стаду твоему скорбь на радость преложил еси,/ и Церкви мир устроил еси,/ великаго же князя возвеселил еси./ Тем молимся тебе:/ моли о нас Человеколюбца Владыку Христа,/ да спасет души наша.

Слава, глас 6: Егда пришел еси от царя,/ мир церковный, отче, нося,/ тогда святителие и церковнии собори, и народи/ радостно сретяху тя,/ свободителя благодарно нарицаху,/ ови же, яко победителю дары носяще,/ радостию поклоняхуся./ Князь же великий Димитрий со слезами вопияше ти:/ О владыко!! Что ти воздамы противу твоему,/ имже нам мир даровал еси?/ Но убо, святителю Алексие,/ молися прилежно Христу Богу нашему,/ яко спастися граду твоему невоевану.

И ныне, Богородичен: Послан бысть с Небес Гавриил Архангел/ благовестити Деве зачатие/ и, пришед в Назарет, помышляше в себе, чудеси удивляясь:/ о, како в Вышних Непостижим Сый от Девы раждается?/ Имеей престол Небо и подножие землю во утробу вмещается Девичу?/ На Немже шестокрилатии и многоочитии зрети не могут,/ словом едином от Ся воплотится благоизволи./ Божие

есть Слово настоящее,/ что ўбо стою и не глаголю Деве:/ радуйся, Благодатная, Господь с Тобой;/ радуйся, Чистая Деве;/ радуйся, Невесто Невестная;/ радуйся, Мати Живота,/ благословен Плод чрева Твоего.

<далее см. основной Чин>

Изменяемое №5

По полиелѣи седален *глас 8:*

Проповѣдует, отче, твоя чудеса ныне Российская митрополия/ и вся отечествия и страны чудодѣйствия,/ имиже вся от болезней скорбных избавлявши,/ Богоблаженне Алексіе,/ питателю вдов и сирот отец,/ помощник сущим в скорби всеизряден,/ плачущим утешение, пастырь и наставник всем заблуждающим,/ Алексіе преподобне./ И нас твоими молитвами от бед избави/ и молися Христу Богу,/ да грехов оставление подаст верою и любовью чтущим святую память твою.

Слава, и ныне, Богородичен: Радуйся, Ангелом радость мира приемшая;/ радуйся, рождающая Творца Твоего и Господа;/ радуйся, сподобляющаяся быти Мати Божия.

Изменяемое №6

Степенна, 1-й антифон 4-го гласа.

Прокимен *глас тотже:* Честна пред Господом/ смерть преподобных Его. *Стих:* Что воздам Господеву о всех,/ яже воздаде ми?

<далее см. основной Чин>

Изменяемое №7

По 50-м псалме стихира *глас 6:*

Неиздаема есть благодать святителя Алексія,/ юже прият от всех Христа Бога,/ тем и честныя его мощи Божию силою вину содевают чудеса/ и всех, верою призывающих имя его, от неисцельных недугов изменяют./ Егоже молитвами, Господи,/ христоролюбивым людям пособствуй на враги/ и належащих скорбей душевных и телесных свободи,/ яко Человеколюбец.

<далее см. основной Чин>

Изменяемое №8

Канон святого *глас 8.*

Песнь 1

Ирмос: Колесницегонителя фараона погрузи/ чудотвори иногда/ Моисейский жезл, крестообразно поразив/ и разделив море,/ Израиля же беглеца, пешеходца спасе,/ песнь Богу воспевающая.

Колесницею благодати Твоей, Господи, возвыси наша помыслы от дольних на Горняя/ и сподоби восхвалити угодника Твоего, святителя Алексия,/ песнь Тебе, Богу, воспевающая.

Колесницею ходатайств твоих/ ум наш, отягченный житейскими печальми, возвыси от земных к Небесным/ и настави восхвалити тя достойно, отче Алексие,/ песнь победную Богу воспевающая.

Колесницу гордости мира сего превозшел еси смирением,/ и, взяв крест твой, последовал еси Христу добротами,/ и, во пристанище горняго селения достиг,/ песнь Богу победную воспеваеши.

Колесницею добродетелей, яко Илия огненною, возшел еси на Небо,/ отонудуже моли Бога низпослати яко милость благодать Духа,/ учащую ны песнь победную Богу воспевати.

Богородичен: Колесница огнеобразная, носившая Бога Слова,/ во чреве Твоем воплощенного,/ моли Его прилежно спастися рабом Твоим,/ к Тебе притекающим и победную песнь Богу воспевающим.

[Ин канон](#) *глас 4.*

Песнь 1

Ирмос: Поим, людие, дивно чудодествовавшему/ в Чермном море Христу Богу,/ яко древле Израиля всевооружена/ стопами пешешествовати непроходную сотвори/ и злобы делодателя фараона во глубине потопи.

Богосиятельными Трипостасного Света зарями Боговидно озаренный,/ златозарный светильниче церковный, Богомудре Алексие, молим тя:/ светносными твоих молитв лучами в достолепую твою похвалу/ просвети ум тя хвалящих.

Хриstopодражательный ангеле земный,/ Богомысленный Небесным Ангелом собеседниче,/ Боговенчанный адских ангел победителю,/ удостоивыйся зрети великаго совета Ангела, Бога воплощенна,/ треблаженне Алексие, молим тя:/ твоими Боговнушаемыми мольбами избави ны от душевредных прилог адских.

Горьковóдною душетлénных прегрешéний бурéю потопляеми,/ к тебе, я́ко досточóдну вла́ющагося мóря утишítелю, прибега́юще, вопиeм:/ свя́те Алексíе, тво́ими Богоугóдными молíтвами утиши́ волнóющеся страстéй нáших мóре.

Богорóдичен: Светонóсный облаче, одождíвый нам дождь Небéсный, воплощённое Сло́во Божие,/ Богородíтельнице Дéво, неботóчною Твоегó благоутрóбия водо́ю/ погасí огнепáльный вредонóсных страстéй нáших пламень.

Песнь 3

Ирмо́с: Небéснаго крúга Верхотвóрче Гóсподи,/ и Цéркве Зиждíтелю,/ Ты ме́не утверди́ в любвí Твое́й,/ желáний кра́ю, вéрных утвержде́ние,/ Еди́не Человеколю́бче.

Небéснаго крúга и всея́ твáри Госпóдь,/ предвéдый тя, óтче Алексíе, бóдуща пáстыря добра́,/ ввэри тебе́ пáству словéсную, я́ко Еди́н Человеколю́бец.

Небéснаго крúга возлюбíв Творца́,/ постóм облегчén, страстéй мóре прешéл еси́ и, на безстра́стия верх добродéтелями возшéd,/ Бóга узрél еси́, Еди́наго Человеколю́бца.

Небéснаго крúга на высотú возшéd Богоразúмием,/ увíдел еси́ умно́ тамо неизречéнная/ и прия́л еси́ дар чудотворéния от Бóга Человеколю́бца.

Богорóдичен: Небéснаго крúга Верхотвóрца, хотя́ща родíтися из Тебе́, Пречíстая, возвести́ Тебе́ Гаври́л:/ ра́дуйся, Дéво, Госпóдь с Тобóю, Еди́н Человеколю́бец.

Ин

Ирмо́с: Да не хва́лится мудр хваля́йся,/ но о сém éже разумева́ти,/ я́ко несть свят, я́ко Бог наш,/ вознося́й рог наш,/ да́й крéпость царéм нáшим.

Тя, Богомóдра кóрмчия,/ Небéсным сло́ва Бóжияго кормíлом Богохранíмый кора́бль Росси́йския Цéркве/ к благодíшному вéчныя жíзни прíстанищу пра́ве кормíльствовавши, блажа́ще, мо́лим:/ всечéстне Алексíе,/ к благовéдрой покая́ния тишíне кормíльствуй дúши нáша.

Душеспасíтельную всемо́щнаго мóря Творца́ за́поведь благопоспéшно сохрáньша/ и бóрная вла́ющагося мóря треволнéния

моли́твою утиши́вша,/ твои́м чудедействительным
предста́тельством утиши́ волну́ющуюся скорбе́й на́ших бу́рю.

Златото́чная реко́ Бо́жия, Небе́сными Ева́нгельскаго уче́ния
вода́ми/ Богосаждённыи Цёркве Росси́йскаго рай наводни́вша
оби́льно,/ досточу́дне Алекси́е,/ небо́тною духо́вныи ра́дости
струе́ю напая́й скорбя́щия ду́ши на́ша.

Богоро́дичен: В Богоздáнном Богослóвяще Цёркве апóстоляскыи
Не́бе,/ к Тебе́, светонóсному незаходима́го Со́лнца Не́бу, прибега́ем,
вопи́юще:/ Всепéтая Дéво, Твоéю Небе́сною по́мощию помози́ нам,/
Тя блажа́щим, в Небе́сная вселитися жили́ща.

Седáлен, глас 4: Благово́нною сло́ва Бо́жияго па́житию/ словéсную
па́ству Христóву Богоугóдно воспитáнную,/ па́стырским
Богодухóвным исправлéния жезлóм/ на правую спасéния стезю́
путевóдствив яко́ дóбрыи па́стырь,/ удосто́ился еси́ нетлéнну
вéчныи жи́зни мзду восприя́ти/ в Го́рнем Сиóне от
Па́стырначáльника Христа́ Бо́га./ Егóже моли́, досточу́дне Алекси́е,/
нам, твои́м óвцам словéсным, сохранитися от невидимых волкóв
хи́щных.

Слáва, глас 8: Ду́хом Божéственным помáзася верх твой свящéнный,
архиерéе Алекси́е,/ и снiде на тя бла́годать богáтно,/ и пребы́сть,
яко́ мирó, на главé сходя́щее на браду́, браду́ Аáроню,/ и сходя́щая,
яко́ росá аермо́нская,/ и ороша́ющая ка́плями благодея́ний твои́х
притека́ющия к ра́це мощéй твои́х/ и зову́щия тебе́ усéрдно:/ óтче
преподóбне, моли́ Христа́ Бо́га/ грехóв оставлéние даровáти/
чтúщим достóйно святу́ю пáмять твою́.

И ны́не, Богоро́дичен: Повелéнное та́йно приём в рáзуме,/ в кро́ве
Иосифове тцáнием предста́ безплóтныи,/ глаго́ля Неискусобра́чней:/
приклони́вый сходя́нием Небе́са вмещáется неизмéнно весь в Тя,/
Егóже и ви́дя в ложесна́х Твои́х, приёмша ра́бий зрак,/ ужаса́юся
звати Тебе́:/ ра́дуйся, Невéсто Неневéстная.

Песнь 4

Ирмос: Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отча/ и нашу нищету посети./ Тем с пророком Аввакумом зову Ти:/ силе Твоей слава, Человеколюбче.

Ты моя крепость, Господи, Ты моя и сила, – вопия, отче Алексие, приял еси дар/ телесныя недуги целити и лукавыя дүхи отгоняти от зовущих Христу:/ силе Твоей слава, Человеколюбче.

Ты еси светило Россійския земли и граду Москвѣ стена нерушима,/ на враги же победитель,/ и христоименитым людям во бранех пособник,/ зовущим Христу/ силе Твоей слава, Человеколюбче.

Ты Богословил еси Единицу несозданную,/ в Трех Лицах сущую, несливаему же и нераздельну,/ воумляя паству твою, отче Алексие, непрестанно звати:/ силе Твоей слава, Человеколюбче.

Богородичен: Ты моя крепость еси воистинну и спасение, Богородице,/ и на Тя надежду мою возложих,/ спаси мя, Дево Чистая, и укрепи рождшемуся из Тебе звати:/ силе Твоей слава, Человеколюбче.

Ин

Ирмос: Гласом благоглаголивым предразумев, Аввакум/ зряще Слова воплощение и зываше яве:/ слух услышах Божия совета,/ Бог бо непреложно Человеком возбеседует,/ из горы грядый Девственнаго чрева/ и мир избавляя/ началородныя клятвы.

Богосодѣянною смиренномудраго исправления мрежею/ неисчетное рыб словесных множество Богопоспешно уловлей,/ Богомудрый ловче, досточудный Алексие,/ Богокованною предстательства твоего удицею извлекы ны из глубокия зол многих пучины.

Небесным слова Божия врачевством/ душетленные уврачевствовавый людских грехопадений язы/ и Богоустроенным кроткаго наказания пластырем умовредныя исцеливый раны,/ безмездный целителю, досточудный Алексие, молим тя,/ исцели душевредныя грехов наших струпы.

Благоплодовитое Богонасажденнаго сада древо,/ благовонныя прозябшее достохвальных исправлений плоды/ и плодоносныя простершее к Небу Боговнушимых молений ветви,/ всечүдне

**Алексіе, мо́лим тя:/ Богора́сленным твоего́ покова ли́ствиєм/
осени́ ны от вредно́снаго лю́тых бед же́га.**

***Богорóдичен:* К Тебе́, златоза́рная Свѣта Невѣчерняго заре́,
Богороди́тельнице Дѣво, прибега́ем, вопи́юще:/ светоза́рным Твоего́
защище́ния сия́нием разреши́ темнозра́чен о́блак печа́лей на́ших.**

Песнь 5

***Ирмо́с:* Вскю́ мя отрину́л еси́/ от лица́ Твоего́, Свѣте Незаходи́мый,/ и покры́ла
меня́ естѣ чужда́я тьма, окаяннаго?/ но обрати́ мя и к свѣту за́поведей Твои́х/ путю́
моя́ напра́ви, молю́ся.**

**Вскю́ противнии ополча́ются на ны, имущия тя крѣпка
поборника?/ Ты, о́тче Алексіе, дѣрзость их низложи́ и вои́нство
наше моли́твою твоею́ стра́шно им покажи́.**

**Вскю́ уныва́ем, согнета́емии мно́жеством печа́лей,/ имуще
скорбных утѣшителя – святителя́ Алексія,/ избавля́юща ны от бед и
скорбе́й на́ших/ и от враг ви́димых же и неви́димых?**

**Вскю́, о́тче Алексіе, телѣсныя нѣмо́щи находят на ны, и беды́
о́кружа́ют ны,/ врача́ тя имущия в болѣзнях и утѣшителя в скорбех?/
изми́ убо ны от сих моли́твами твои́ми.**

***Богорóдичен:* Вскю́ обурева́ют мя во́лны страсте́й,/ ко́рмчия Христа́
ро́ждшая, Дѣво Всенепоро́чная?/ Ты Его́ моли́ сих исхитити мя/ и к
сте́зи за́поведей Его́ путю́ моя́ упра́вити, молю́ся.**

Ин

***Ирмо́с:* Нощебори́мых страсте́й тимѣнием/ к Тебе́ у́тренюю, Еди́ному
Благоутро́бному,/ души́ моея́ мглу просвети́ и узы пресеки́ долго́в мои́х,/ яко да
Твои́м Соприсносу́щным Ду́хом просвещáемь,/ пра́вды путь нетле́нный обря́щу
повелѣний Твои́х.**

**Словѣсную па́ству Христо́ву благово́нным Ева́нгельскаго уче́ния
зла́ком Богоуго́дно воспита́вый/ и на пра́вый
Хриstopодража́тельнаго жити́я путь Боголе́пно наставле́й, па́стырю
до́брый,/ всеблаже́нне Алексіе, мо́лим тя:/ твои́ми моли́твами
наста́ви ны на пра́вую за́поведей Божи́их сте́зю.**

**Богозда́нный Ду́ха Свята́го сосу́де, чи́стым любве́ Бо́жия златом
Боголе́пно позлаще́нный,/ Богому́дре о́тче Алексіе,/ ражде́женным
сло́ва Бо́жия сребро́м ча́да твоя́ обогаще́й обильно, мо́лим тя:/**

твоими молитвами подаждь нам Небесное Божия благодати богатство.

Богоначальному премірных умов ліку сообщенный/ и Богосиятельными Триипостаснаго Света зарями Боговидно озаренный,/ уме Богомудрый, священноначальниче Алексіе,/ Небесною Богооткровенныя ти мудрости лучею просвещай свыше мрачныя умы наша.

Богородичен: Богорасленный грозд, воплощенное Слово Божие прозябшая,/ Богосажденная лозо, Всенепорочная Дево, молим Тя:/ благовонным Божия благодати вином напай жаждущия души наша.

Песнь 6

Ирмос: Очисти мя, Спасе,/ многа бо беззакония моя/ и из глубины зол возведи, молюся,/ к Тебе бо возопих, и услыши мя,/ Бже спасения моего.

Очисти ны, Спасе, от многих грехов наших/ и болезни отжени молитвами святителя Твоего Алексія,/ и мир Церквам Твоим подаждь и соединение.

Очисти сердца наша и мысли ходатайствы твоими, отче,/ и, приим от нас приносимыя тебе молитвы,/ испроси у Христа обрести нам велию милость.

Очистив сердце твоё, отче Алексіе,/ и трость языка твоего изострив Духом,/ написал еси в сердцах верных слово Богоразумия ученьми твоими.

Богородичен: Очищенну Тя Духом, Всенепорочная, Архангел Гавриил познав,/ зовяще Тебе:/ радуйся, Дево Маріе, падших воззвание и клятвы разрешение.

Ин

Ирмос: Из чрева адова вопля моего услышал еси глас мой/ и возвел еси от тли бури прегрешений,/ обдержит бо, Спасе,/ и погружати искушает, Блаже:/ но якоже прежде Иону возвел еси от тли,/ и мене, молюся, Господи,/ предварив, спаси.

Златозарная Россійская звездо,/ светоносными равноапостольских исправлений зарями/ Богозданное Церкве Божия Небо озарившая светло/ и темномрачну варварских наветов

мглу разрешая Богопоспешно,/ всеблаженне Алексіе,/ разреши
тѣмен напастей вражиих ѓблак.

В Боголѣпную Невещественнаго Бѳга славу/ вещественныя храмы
Бѳжия Боготщательно создавыи,/ мысленный храмѣ Бѳжий,
Богоносе Алексіе, молим тя,/ Богоугѳдными твоими мольбами
Богоприѣмный храм Бѳжий созижди сердца наша.

Пагуборѳдное гѳрдаго кичѣния тѣрние истѳргнувыи/ и
доброрасленныя смиреномѳдраго Богомыслия лѣторасли
Богопоспешно возрастивыи,/ благоплодовитый Небѣснаго сада
кѳреню, всечѳдне Алексіе,/ насади в сердцах наших
Богорастительный Богоугѳднаго смиренія кѳрень.

Богорѳдичен: Всемѳщнаго морских треволнѣний утишителя,/
воплощенное Слово Бѳжие рѳждшая,/ Богорѳдице Дѣво,/ Небѣсною
Твоего заступничества тишиною/ многобѳрную утиши скорбѣи
наших молву.

Кондак, глас 8: Божественнаго и пречестнаго святителя Христова,/
новаго чудотворца Алексія,/ верно вси поюще, людіе, любовьи да
ублажим, яко пастыря великаго,/ служителя же и учителя премѳдра
земли Россійстей./ Днесь, в память его притекше,/ радостно
возопиѣм песнь Богоносному:/ яко имѣя дерзновение к Бѳгу,
многообразных нас избави обстояний, да зовѣм ти:/ радуйся,
утверждение граду нашему.

Ѳкос: Дивнаго и пречестнаго чудотворца видяще чудеса,/
исцелѣния подающа всем, от души с верою притекающим,/ и
Христовы людіе невидимо посещаяща,/ и землю Россійскую
просвещаяща,/ радостно от души вси, вкѳпе сошедшеся к раце
мощей его,/ слышаще же и видяще чудес множество и источник
исцелѣний неисчерпаемь,/ чистыми сердцами и просвещенными
разумы, яко благоуханно кадило,/ плоды добродетельны от души
приносяще/ и радующеся, воззовѣм ему, глаголюще:/ радуйся, ѳтче,
честный наш учителю,/ яко приял еси трудов твоих воздаяние/ и в
Вышних водворяешися, о нас моля Человеколюбца Бѳга./ Чудес дар
приял еси,/ земли Россійстей ѳтец и учитель,/ и святителем

изрядная похвала,/ и во́инству нашему во бранех по́собник кре́пок./
Ра́дуйся, святителю Алексіе, граду́ нашему утвержде́ние.

Песнь 7

Ирмо́с: От Иудеи доше́дше, о́троцы/ в Вавило́не иногда́,/ ве́рою Трѳическою
пла́мень пе́щный попра́ша, пою́ще:/ отце́в Бо́же, благословен еси́.

От Иудеи отроко́м поревновáв, огнепа́льныя стра́сти угаси́л еси́,/
Христу́ при́сно поя́, блаже́нне Алексіе:/ отце́в Бо́же, благословен
еси́.

От Иудеи о́троки подража́л еси́,/ живу́щею бо в тебе́ Ду́ха
благодáтию просвещь́ся,/ воспел еси́ Христу́:/ отцев Бо́же,
благословен еси́.

От Иудеи о́троком ревну́ем,/ ви́дяще мо́щи твоя́ чудоточáщая,
любо́вию распаля́еми, Христу́ зове́м:/ отцев Бо́же, благословен еси́.

Богоро́дичен: От Иудеи о́троцы Твое́ прообрази́ша Рожде́ство, Де́во
Всецѳстая,/ огонь бо в пе́щѳ не опали́ их, пою́щих:/ отце́в Бо́же,
благословен еси́.

Ин

Ирмо́с: Тя живопису́ющий асси́рийский пла́мень/ ю́ноши три спáсе, Го́споди,/
якоже и Де́ву не опали́ Отрокови́цу,/ в Божѳственном Рожде́ствѳ Твое́м
Божѳственная искра́:/ препѳтый отцев Бо́же, благословен еси́.

Тя, я́ко от Небе́снаго врача́ дар исцелѳния ту́не приѳмша,/ та́ко
вредоно́сныя к тебе́ прибега́ющих язѳ ту́не исцели́вша,/ усѳрдно
мо́лим, врачу́ безмездный, архиере́е Алексіе:/ Небе́сною твоѳх
мольб цельбо́ю исцели́ лю́тыя недуги душ и телѳс на́ших.

Боготка́нная правосла́внаго благоче́стия рѳзо,/ многоце́нными
превели́ких добродѳтелей бѳсерми Боголе́пно удо́брѳная,/
всехвальне Алексіе, моли́ све́том одея́юща́ся Бо́га/ в све́тлую
вѳчныя жи́зни рѳзу одея́тися ду́шам на́шим.

Трудолю́бный Богоса́жденнаго са́да де́лателью,/ благово́нну
досточу́дных исправле́ний ка́ссию насади́вши/ и Богора́сленну
постническаго возде́ржа́ния сми́рну в Боголю́биво́м сердце́ твоѳм
вкоренѳвый,/ святе Алексіе,/ Неботочну́ю защи́щения твоего́ стака́ту
изли́ на лю́бящая́ тя сердце́ на́ша.

Богорóдичен: От Богосиятельнаго Правды Сóлнца/ Богооткровенно пáче умóв премírных озаряема,/ светозáрная луно,/ Всенепорочная Дево,/ светонóсною Твоя благодáти лучею мрáчная просвети́ сердцá нáша.

Песнь 8

Ирмós: Царя Небéснаго,/ Егóже поют вси А́нгельстии,/ хвалíte и превозносите во вся вéки.

Царя Небéснаго хвалíti учил еси́ пáству твою́, зовый:/ пойте и превозносите Христа́ во вéки.

Царя Небéснаго умоли́ о нас, чáдех твоих,/ радóстно поющих и превозносящих Егó во вéки.

Царю́ Небéсному предстоя́, пáству твою́ назирай,/ поющюю и превозносящую Христа́ во вéки.

Богорóдичен: Царя Небеснаго родила́ еси́, Дево,/ Егóже Ангели поют и превозно́сят во вся вéки.

Ин

Ирмós: Находящая в пла́мени/ беззакóннаго мучи́теля велéнием óтроки подражающе,/ немóлчными устна́ми/ в Вы́шних похва́льно возопи́м:/ Бла́же, преестéственно Сый Пресвяты́й,/ поющия Тя/ Свéтом умным Твои́м озари́.

Небéсною Богоприятныя молiтвы цельбóю/ телесну́ю вáрварския цари́цы слепоту́ преестéственно исцели́вый,/ Богомúдрый, душе́вных и телéсных недúг целiтелю,/ всеблаженне Алексiе, мо́лим тя:/ душе́вную исцели́ слепоту́ вредонóсных прегрешéний нáших.

Церкóвная красотó,/ преосвященная главó,/ непоколебленный благочéстия столпé,/ Богозданный вéры степéню,/ неисчерпа́емая Божéственных чудéс пучiно, всечéстне Алексiе,/ златотóчными твоих мóльб вода́ми вредонóсен погаси́ огонь печáлей нáших.

Пагубоносное грехопадéний ствóлие Божéственным любвé Бóжия огнём Богоу́годно сожéг/ и Богозданным вéры степéнем/ к невещéственну огню́ преестéственну,/ в Живоначальной Трóице Бóгу, приступiв благоговéйно, преподóбне óтче Алексiе,/ от геёнскаго огня́ избáви дúши чад твоих, ты блажа́щих.

Богорóдичен: Присносúщную Жизнь,/ воплощённое Слово Божие пáче слова челове́ча и́стинно ро́ждшая,/ Всепéтая Богорóдице Дéво, мо́лим Тя:/ избáви ны, рабы́ Твоя́, от вéчных смéрти.

Пéснь Богорóдицы: Велíчит душá моя́ Гóспода: <см. основной Чин>

Песнь 9

Ирмóс: Вои́стиину Богорóдицу,/ Тя исповéдуем,/ спасéннии Тобóю, Дéво Чíстая,/ с Безплóтными лúки Тя величáюще.

Вои́стинну свет мíру явíлся есí, светящ добродетельми,/ и пáстырь изря́ден твоего́ ста́да был есí,/ Христá величáюща.

Вои́стинну вéмы тя, óтче, чудотворца вели́ка,/ точáща мно́га чудеса́ вёрно к тебе́ приходя́щим/ и Христá величáющим.

Вои́стинну светлó пáмять прáзднуют святíтеля Алексíя/ архиере́и, и священницы, мона́си и вси лю́дие,/ Христá Бóга величáюще.

Богорóдичен: Вои́стинну Ты есí христиáном спасéние:/ Христá бо родила́ есí, спаса́ющаго ны,/ Дéву Чíсту Тя величáющия.

Ин

Ирмóс: В Тебе́, Богорóдице, на́ше умалéние престá,/ неvíдимое бо Слово/ во утрóбе Твое́й приёмшая,/ сугуба Того́ родила́ есí,/ Бóга вкупе и Челове́ка,/ на Него́же Херувíми возрéти не дерзáют./ Тёмже Тя величáем, Пречíстая.

Благовíдною архиерéйских исправлénий красото́ю/ Богостáвленный престóл твой Боголéпно украсíвый, первопрестóльный иерáрше, всечéстне Алексíе,/ моли́ сидя́щаго на премíрных престóлах Бóга/ удостóитися нам, тя блажа́щим, в Цáрствии Небéсном предстáти Бóжию престóлу.

К чудотворным тво́им мо́щем притека́юще усéрдно,/ мо́лим тя, чудотóчный исто́чнице, досточúдне Алексíе:/ Боготóчною Божéственных чудес тво́их струёю/ угасí раждежёное бед и печáлей на́ших горнóло.

С цáрствуемым мíром правослáвныя лю́ди на́ша от всяких бед защитí/ Богоздáнный правослáвия щите/ и Цéркви Рýсския первопрестóльный иерáрше, всеблаже́нне Алексíе,/ в Боголéпое церквёй Божиих благостроéние даждь свýше Небéсную пóмощь.

Богорóдичен: Боговídцем Моисéем вíденная в Синáи купинó неопáльная,/ огонь Божéственный, воплощённое Слово Бóжие рóждшая, Всесвятáя Дéво,/ Небéсным любвё Бóжия огнём разжзí оледévшая сердцá нáша.

<далее см. основной Чин>

Изменяемое №9

Светíлен:

Благодáть Святáго Дúха, всельшáяся в тя, святítеля тя покáза,/ Христóс же ти вручí пáству Свою пáствити на пáжитех духóвных,/ Егóже рáди потщáлся есí наставляти лю́ди,/ и ны́не на Небесéх, рáдуясь, живёши.

Слáва, и ны́не, Богорóдичен: По Бóзе уповáние имúще на Тя, Пречíстая Богорóдице,/ мóлим Ти ся,/ ко íже из Тебё Рóждшемуся мольбáми/ невредíмы нас до концá сохранí.

<далее см. основной Чин>

Изменяемое №10

На стихóвне стихíры глас 2.

Дом Святáго Дúха/ и вселéние благодáти/ Алексíй явйся:/ и ны́не, в пáмьять егó сошédшеся,/ тогó воспоём.

Стих: *Восхвáлятсá преподóбнии во слáве/ и возра́дуютсá на лóжах своúх.*

Ты есí святítелем похвалá,/ священником удобрéние,/ мона́хом прáвило,/ и мы ти вопиём, святítелю Алексíе:/ рáдуйся, Цёркве утверждéние.

Стих: *Священницы Твоú облекúтсá в прáвду,/ и преподóбнии Твоú возра́дуютсá.*

Приимí ны́не пéние/ чад твоúх, óтче,/ véрою прáзднующих,/ и любящим тя подавáй/ яже на пóльзу прошéния.

Слáва, глас 6: Благíй рáбе,/ вёрный дéлателю виногрáда Христóва,/ ты и тяготú дневнúю понéсл есí,/ ты и дáнный ти талáнт возрастíл есí/ и по тебё пришédшим не завíдел есí./ Тёмже вратá Небéсная отверзóшася тебё:/ вни́ди в рáдость Гóспода твоегó/ и моли́ о нас, свя́те Алексíе.

И ны́не: Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся, первыя клятвы Адама свободы./ Темже Ти, Всечистая,/ яко Божи Матери же и Деве,/

воистинну вопием немолчно:/ радуйся, Ангельски, радуйся, Владычице,/ предстательство и покрове,/ и спасение душ наших.

<далее см. основной Чин>

Утром

Изменяемое №11

По 1-м стихословии седальны глас 8:

Наста светонóсный день: чудотвóрца, архиепíскопа Алексíя пáмять,/ приидíte, сошédшеся, прáзднуем светлó и состáвим лíки,/ похвалáми почтíм егó и рцем емú:/ рáдуйся, честнýй светíльниче Россíйския землí,/ источáеши бо чудесá, и изливáеши исцелéния,/ и мóлишися о душáх нáших.

Слáва, и ныне, Богорóдичен: <далее см. основной Чин>

Изменяемое №12

По 2-м стихословии седальны глас 4:

Приидíte, торжествúем светлó, прáзднующи пáмять иерáрха, Алексíя чудотвóрца,/ престáвися бо от землí к невещéственным, обítелем,/ идéже зрит добрóту неизречéнную,/ Áнгельским вóинством собесédник явлься./ Тémже со апóстолы и мúченики ликúя, óтче наш, Алексíе преподóбне,/ прилéжно молíся Владýце Христú о чтúщих véрою пáмять твою.

Слáва, и ныне, Богорóдичен: <далее см. основной Чин>

Изменяемое №13

Тропáрь глас 8:

Яко апóстолом сопрестóльна,/ и врачá предóбра, и служítеля благоприятна,/ к раце твоéй честнéй притекáюще, святítелю Алексíе, Богомúдре чудотвóрче,/ сошédшеся, любóвию в пáмять твою светлó прáзднуем,/ в пéснях и пéниих рáдующеся и Христá слáвяще,/ таковúю благодáть тебе даровáвшего исцелéний/ и граду твоемú великое утверждéние.

Ин тропáрь, глас 4:

Апóстольских дóгмат опáсна хранítеля,/ Цérкве росsíйския пáстыря и учítеля,/ преблажéннаго Алексíя святítеля пáмять прáзднующе,/ славослóвим Христá Бóга нáшего пéснями достодóлжными,/ даровáвшего нам угóдника Своегó,/ яко обíльный

источник, точащ врачевания,/ граду же Москвѣ похвалу и утверждение.

Ин тропарь, глас 8:

Яко светоносная возсия днесь память твоя, славне,/ верных озаряючи души и телеса,/ и исцеления струи Богоприятными ти молитвами источаеши,/ отче святителю Алексіе,/ Темже тя молим, яко архиереем сопредостольна и чудодѣйственника изрядна,/ иже Христову Престолу предстоиши,/ о нас не оскудевай моляся спастися душам нашим.

<далее см. основной Чин>

Изменяемое №15

На хвалитех стихирь:

Стих: Сотворити в них суд написан./ Слава сия будет всем преподобным Егб.

Стих: Хвалите Бога во святых Егб,/ хвалите Егб во утверждении силы Егб.

Стих: Хвалите Егб на силах Егб,/ хвалите Егб по множеству величества Егб.

Глас 8. Что ты наречем, святителю Алексіе?! Звезду, озаряющую поднебесная,/ мира красование всечестное,/ сего лучами озаряющая велении благоверия/ и ереси тьму отгоняющая./ Моли, преподобне,/ от тли и бед избавитися/ верою творящим память твою.

Стих: Хвалите Егб во главе трубнем,/ хвалите Егб во псалтири и гуслех.

Что ты наречем, святителю Алексіе?! Звезду, озаряющую поднебесная,/ мира красование всечестное,/ сего лучами озаряющая велении благоверия/ и ереси тьму отгоняющая./ Моли, преподобне,/ от тли и бед избавитися/ верою творящим память твою.

Стих: Хвалите Егб в тимпане и лице,/ хвалите Егб во струнах и органе.

Что ты наречем, преподобне святителю Алексіе?! Реку, изливающую исцеления неизвестно/ всем, верою приходящим,/ источник, источающ учений медоточных,/ во вся концы простирают/ и верныя просвещающ./ Молись, преподобне,/ спастися душам нашим.

Стих: Хвалите Егб в кимвалех доброгласных, хвалите Егб в кимвалех восклицания./ Всякое дыхание да хвалит Господа.

Что ты ныне наречем,/ святителю Алексіе,/ предивный чудотворче?! Врача разумна и безмездна,/ исцелевающая всяку язю

душе́вную и телéсную,/ Безплóтным равночéстна./ Моли́ся,
преподóбне,/ спасти́ся душáм нáшим.

Слáва, глас 6: Человéче Бóжий и вёрный ра́бе, слугó Господень,/ мýжу желáний, сосúде избрáнный,/ стóлпе и утверждéние Цéркве,/ Цáрствия наследниче,/ не премолчи́, вопи́я за ны ко Гóсподу.

И ны́не, Богорóдичен: <см. основной Чин>

Изменяемое №15

Кондак глас 8:

Божéственнаго и пречестна́го святителя Христо́ва,/ но́ваго чудотворца Алéксия,/ вёрно вси пою́ще, лю́дие, любóвию да ублажи́м, я́ко па́стыря вели́каго,/ служите́ля же и учите́ля премúдра земли́ Росси́йстей./ Днесь, в па́мять его прите́кше,/ ра́достно возопи́ем песнь Богоно́сному:/ я́ко имéя дерзнове́ние к Бóгу,/ многообра́зных нас изба́ви обстоя́ний, да зове́м ти:/ ра́дуйся, утверждéние гра́ду нáшему.

Ин кондак, глас 3:

Я́ко светно́сная па́мять святителя/ всем разруши́ уны́ние/ и свет облистá Небéсных дарóв,/ всех созывáющи на весéлие:/ от Бóга бо, святителю́ Алексіе, благодáть обрете́ прогоніти недúги/ и вся челове́ки исцеля́ти,/ и мнѣхом же степе́нь показáся.

<далее см. основной Чин>

На Литургии

Изменяемое №20

Прокимен, глас 7: Честна́ пред Гóсподем/ смерть преподóбных Егó.

Стих: Что возда́м Господéви о всех, я́же воздаде́ ми?

Изменяемое №21

Аллилу́я, глас 4: Возва́ша пра́веднии,/ и Господь услы́ша их. *Стих:*

Мно́ги скóрби пра́ведным, и от всех их изба́вит я Господь.

Изменяемое №22

Прича́стен: В па́мять вéчную: